

LA PRIMAVERA.

Quand l'invernu l'è ala fiin di sò pendizzi
cun la malinconica tristéza dula sò stagiun,
cun 'na strüsa d'eredità e cun tanti crüzi
la primavera la sa ciàpa in sül firuun.

Primavera, un s'ciupùn da fiuridüra,
la tèra la ga dà la mösta ai radiis,
l'è la cuntinuaziun dula linfa dula vita
par i sò fiuur, i sò frütt, ul sò paradiis.

'Na stagiun faja da profümm e da culuur,
la fà cascìa i nostar campàgn,
e 'mè 'na penelàva faja cun amuur
la rinverdiss praa, giarditt e muntàgn.

L'hann sturnelàva puéti e cantuur,
la primavera la fà anmò 'ma la vöör,
l'è anmò lee la regina du l'amuur,
la fà büj ul sangh, la fà durì ul cöör.

L'hann malediva in di canzuun,
ma ul sò duvéer l'è da turmentà
chi sa vöör bèn cun passiuun
e dagh quell là... da fàì innamurà....

Carletto BOSSI